

佛祖統紀卷第三十八

宋景定四明東湖沙門

志

撰

他

法運通塞志第十七之五

自周秦至于六朝世以為得正統若北魏齊周雖非相承而世居中原威行典禮謂之北朝者不鄙夷之如晉五胡也隋氏雖受周禪

宋

而實能統一區宇繼陳正朔此叙史者之微

旨也矧北史之於二教盈虛消息所繫良多

故茲並陳用為照映

北魏都雲

太祖

總

贊

贊

皇始二年詔趙郡法果為沙門統帝生知信

永樂北藏

佛祖統紀

佛初平中山所經郡國見沙門皆致敬禁軍旅毋得有犯

天興元年詔於京城建五級浮圖須弥殿者

閻山禪房講堂悉務壯麗

明元

贊

永興元年詔封法果為輔國宜城子僧受塔

神瑞元年加封法果為忠信侯

二年老君降于嵩山授道士冠謙之經戒謂

曰自張道陵去世地上曠職今授汝天師之

任清整道教開化群生除削三張租米稅錢

之弊男女合炁之術

五斗米道後二年老君遣玄孫上師真人李

第二〇〇册

晉文授太平素經圖錄百六十卷輔佐北方

太平真君

謂太武也

泰常元年加封法果爲安城公壽八十餘卒

帝三臨其喪謚靈公

明地

太武

泰明元子

始光元年勅天下寺改名招提

北朝十方常住

月八日與諸寺像行於廣衢帝御門樓臨觀

散華致禮

僧史畧云西天王臣根不覲佛於降生日與像入城行道夜供卷

謂之什像

因國皆然○嵩岳道士寇謙之奉老君所授

書以獻朝廷未之信獨司徒崔浩上書贊其

事帝忻然納之遣使建玄都壇起靜輪天宮

敕謙之及門弟子位在諸王公上不稱臣擇

大家子弟百二十人爲道士

二年帝誕節詔於佛寺建祝壽道場

聖始

神麤元年

帝音加

帝誕節詔天下佛寺並建

道場

延和元年初涼土沙門玄高妙善禪觀上遣

使迎入平城甚加敬重命太子晃師事之

德

二

太延五年太子晃被讒求哀於沙門玄高爲

作金光明懺帝夢先祖讓之不當以讒疑太

子帝以語崔浩浩曰太子結玄高以術致先

帝恐陛下耳帝怒杖玄高慧崇縊殺之高弟

子玄暢在雲中聞師遇害馳至泣曰和上神

力當爲我起高開眸曰大法盛衰在於迹耳

但惜汝等行當如我唯玄暢得南渡汝等死
後法當更興法進號呼曰聖人去矣我何爲
生即見高於空中進問和上與崇公當生何
所高曰我往惡處度生以順本願崇公已歸
安養

太平真君元年寇譙之於嵩山立壇爲帝祈

福老君復降授帝以太平真君之號譙之以
奏遂改元大赦

述曰子不語怪神言誠可以爲教世之法
也夫老子聖人也或在天爲君主或分形
下教隨時闡化則有之矣而寇譙之廼言
於某處某處老君下降授帝以太平真君

之號囑以輔佐太平之說託崔浩以其書
獻譙惑當世之君何其恠哉厥後崔浩以
釋教虛誕之說勸於上遽起滅僧之禍此
其法運之一危也既而崔浩族誅太武被
弑不令而終君臣俱遭冥罰寧不遺恨於
譙之乎

洪

三

太平真君七年帝與崔浩皆信重寇譙之浩
每言於帝曰佛法虛誕宜悉除之及帝討蓋
吳蓋音至長安入佛寺沙門飲從官酒見其
室有兵器以白帝乃命有司案誅沙門閱其
財產大得釀具及守牧富人所寄藏物浩因
說帝悉誅天下沙門詔征鎮諸軍有浮圖形

像胡經皆悉焚毀沙門無少長悉坑之太子
屢諫不聽乃密令綏宣詔書使遠近豫聞得
自爲計沙門多亡匿收藏經像唯塔廟無復
牙遺牙遺孟子有子遺也
八年天大雷電殿室震傾帝所居被壓幾致
於死

十一年白足沙門曇始始白足西於元會之
日杖錫宮門帝命延斬之延音無所傷大怒
自以佩刀擊之不死又令捕投虎檻虎皆怖
伏帝大驚名登殿拜謝忽身感厲疾厲疾同
痛不可忍群臣皆言崔浩毀佛所致帝懼其
時崔浩刻所撰國史於石以彰直筆帝惡其

暴揚國惡乃令載浩露車使十人推於車上
溺其口溺其口乃平便腰斬之誅及五族僚屬百二
十人即下詔復佛法初浩除釋氏行路見棄
像必停車溺之及族誅屍無收者人競溺浩
屍至糜潰乃止

正平二年常侍宗愛弒帝于永安宮

文成文成武帝

興安元年詔曰夫爲帝王者必祗奉明靈顯
彰仁道其能惠著生民濟益群品雖在往古
猶序風烈況釋迦如來功濟大千惠流塵境
尋生死者歎其達觀覽文義者貴其妙門豈
王政之禁律益仁智之善性排撥群邪開演

正覺故前代已來莫不崇尚亦我國家常所
尋事世祖太武德澤遐被沙門道士往往成
林而寺舍之中致有凶黨先朝案治戮其有
罪而已所司失旨一切禁斷初音羅漢呂朕
承鴻緒志隆聖道其令天下郡縣各達浮圖
一區欲為沙門者聽初蜀賓沙門師賢五人
來京值罷佛法假醫術以守道復教之日帝
親為五人下髮以師賢為沙門統
和平元年詔沙門統曇曜為昭玄沙門都統
待以師禮隋百官志云寺掌佛教大統
上師官以掌
六年疏勒國遣使進佛袈裟長二丈帝命焚

試之以示靈異終日不然
獻文弘文成
興皇元年敕於五級太寺為太祖已下五帝
鑄釋迦佛五軀各長丈六用赤金二十五萬
斤
三年昭玄都統曇曜言平齊戶及民間能歲
輸粟入僧曹號僧祇粟遇凶年則出賑饑民
又諸民犯重罪者為佛圖戶供諸寺掃洒帝
許之於是僧祇粟徧天下平齊戶注家未嘗
之義僧祇此云大衆佛圖亦佛性
此云燒香言戶者佛寺之民戶也
五年帝雅好佛學每引朝士沙門共談玄理
有遺世之心是年詔傳位太子徙居崇光宮稱

永樂北藏

佛祖統紀

第二〇〇冊

上皇建鹿野寺與禪僧數百習學禪定

孝文

宋獻文子改姓元氏遷都洛陽

延興二年詔西天三藏吉迦夜譯雜寶藏經
尋五部劉孝標筆受。上皇敕自今祭天地
宗社勿復用牲唯薦以酒脯歲活七萬五千
牲命

○五臺北寺

此

法聰律師為衆專講四分律門

人道覆錄為義疏

此解四分律始

○敕思遠寺主僧顯為沙門都統

十七年詔懿德法師聽一月三入殿俾朕餐
粟道味飾光朝廷帝數幸王園寺與沙門談
論佛道

十九年帝幸徐州白塔寺令道登法師講成
實論謂左右曰朕每覽此論可以釋人深情
僧史云六此論最多世相羅什所譯以。京
兆王太子興久病祈佛獲愈願舍王爵求出
家表十上乃許賜名僧懿敕皇太子以四月
八日為落髮于嵩岳寺

二十年太后馮氏出俗為尼居瑤光寺

二十一年詔為太后建報德寺為羅什法師
於所居舊堂建三級浮圖。詔四月八日迎
洛京諸寺佛像入閭闔宮受皇帝散華禮敬
歲以為常。詔諸郡僧寺長夏安居令清眾
數處講說以僧祇粟供備

宣武

惜孝文次子

景明二年詔僧犯殺人依俗格斷餘犯悉付昭玄都統以內律僧制判之時崔暹好佛法以僧尼猥濫奏設科條一篇事竄而法平敕付昭玄都統法上以爲檢約

四年南天竺國遣使貢辟支佛牙

永平元年詔中天竺國勒那摩提於太極殿譯經北天竺國菩提流支於紫極殿譯經帝親預筆受

二年帝御式乾殿講維摩經時西域沙門至者三千人南方歌榮國世不與東土通有僧菩提跋陀來詔建永明寺以居外國沙門

永樂北藏

佛祖統紀

延昌四年太后高氏出俗爲尼居瑤光寺。

洛陽段暉所居聞地下鐘聲掘之得金佛一

菩薩像二趺上銘曰晉泰始二年中書監荀

勗造暉遂舍宅爲寺後有盜欲竊此像像高

聲唱賊賊人至被獲。裴植母夏侯氏年踰

七十以身自施三寶爲婢供寺掃洒三子瑜

燕

六

繫衍並奴服泣涕以從各以布帛贖免之其

後竟出家爲尼入嵩高山積歲乃還植官度

支尚書瑜等皆至刺史母臨終遺令以沙門

檀華祭深好釋學每升座講說聽者服其理

辯

孝明謂宣武第二子

燕

第二〇〇冊

熙平元年太后胡氏於洛陽建永寧寺佛殿如太極殿南門如端門作真金像高丈六淨國九層高九十丈上刹高十丈每夜靜鈴鐸之聲聞於十里

神龜元年詔諸郡立五級浮圖

正光二年敕宋雲沙門法力等往西天求經

四年宋雲等使西竺諸國還得佛經一百七十部。帝加元服命沙門道士講道禁中帝曰佛與老子同時否道士姜斌曰開天經云老子定王三年生年八十五西入化胡以佛為侍者沙門曇謨最曰吾佛以昭王二十六年生穆王五十二年滅自滅後至定王三年

凡三百四十五年老子方生而言化胡無乃謬甚帝令群臣詳定真偽太尉蕭綜等劾奏開天偽經罪當惑眾詔流斌于馬邑武泰元年元大通十月達磨自梁入魏止嵩高山少林寺面壁而坐帝聞師異迹三詔不至就賜磨納袈裟金鉢銀水瓶繒帛

孝莊

子俱舍填

永安元年太后胡氏出俗為尼居瑤光寺冀州沙門法慶為行無賴為其徒所擯乃去為扶術說渤海李歸伯率鄉人為亂眾推慶為主自號大乘佛以歸伯為十住菩薩平魔漢王屠滅寺舍斬害僧尼焚燒經卷云新佛

出世除去衆魔詔元通使持節討破之禽法慶歸伯傳首京師餘黨悉平

三年宗玄先生孟仲暉造夾紵佛其像每夜遶座行道足跡成文士庶瞻敬咸仰神異後

五年像忽隱去節閔恭唐王和璠

○

○

普泰元年國子博士盧景祐通達佛法人稱居士帝亦待以不臣從兄仲禮作亂累及景緊晉陽獄景祐至心誦經枷鎖自脫帝聞其

異貸出之

孝武備廣平王之子

○

○

永熙元年洛京平等寺建浮圖成帝設萬僧

永樂北藏

佛祖統紀

齋石像俯首終日大衆感其神應

二年永寧寺大浮圖災火三月不息後東萊人咸見浮圖在海中俄爲雲霧所蔽

文帝寶炬孝文之孫

大統元年敕沙門道臻爲沙門大統。初祖

遷磨坐少林九年先傳法及衆裝於慧可乃

往禹門千聖寺十月五日端坐示滅門人

奉全身葬熊耳山定林寺明年使者宋雲西

域還遇師手攜隻履翩翩獨邁雲歸爲言門

人啓境視之唯空棺隻履宋雲使西域至涼州

十三年失今無遺通達者爲宋雲耳

孝靜善見清河王

第二〇〇冊

天平元年洛州刺史韓賢素不信佛白馬寺有漢明帝時經函時放光明世藏爲寶賢往寺斫破之未幾州人韓木蘭作亂一賊自屍中起以刀斫賢脛斷而死人謂毀函之報若是其速

述曰經函放光佛道之彰化也世之昧者則斥爲怪誕故惡之斫破之由其本心素無信耳一賊忽起斫其脛如斫其函感報之速自心之咎也世人見佛經說地獄果報必曰佛設此等語以怖人佛聖智通三世見人造善惡者能預告以禍福使人知所勸懲耳非故設此語以怖人也作不善

降之百殃豈亦怖人之語耶

興和四年時魏境有寺三萬所僧尼二百萬人。魏書佛老志云生生之類三世神識常不滅凡爲善惡必有報應漸積勝業陶冶粗鄙粗者胡反不精經無數形漂鍊神明乃至無生而得佛道其始修心則依佛法僧謂之三歸若君子之三畏也語君子有三畏畏天命畏大人畏聖人之言又有五戒去殺盜婬妄言飲酒大意與仁義禮智信同又說六道受生六度進行及佛身真應不生不滅舍利塔廟教法流廣之義最爲深密北齊書北齊經書述曰有一代君臣必有一代之史所以記

諸言動法不法也堯舜之德必書跖蹻之行必書天時人事善惡臧否莫不畢錄有可識謂之信史若是其可也自佛法來東舉世知所宗上真文祕要盈滿天下明心見性之道可坐以進益物救世正在仁義久久弊詐日起之後通人勝士欽挹風現

漢

九

歷代脩史之家未嘗不列敘其事故范曄之論西域曰佛道神化興自身毒音乾篇即天竺也西漢方志莫有稱焉豈道閉往運而數開叔葉乎索宏之著漢紀曰天竺有佛道焉能化通萬物而大濟群生唐正觀稱制晉書摩什圖澄皆列於傳而贊之曰垂文

聞教通幽洞冥魏叔撰魏書其志佛老曰佛言三世神識常不滅凡為善惡必有報應漸積勝業乃至無生此皆諸史敘佛之明義知佛道果可以益物救世云耳異哉歐陽氏之修唐書也凡釋氏之事有裨國政開人心者悉刪去之適足以存舊史之該瞻其之通學守隘見有若是謂之信史未信也

北齊

文宣

北齊
文宣
東魏
高洋
神武

天保元年詔高僧法常入內講涅槃經拜為國師始此。法師曇延長九尺六寸帝每召

入問道會周使周弘正來聘大臣舉師接伴
弘正恃才任氣及見延悠然意消求師畫象
所著經疏以歸帝益加重進位昭玄上統。
嵩山寶公向白鹿山行忽聞鐘聲見一門題
曰靈隱之寺有梵僧自外來寶隨入寺坐法
堂牀上仰視屋間開孔如井有僧從孔飛下
至六十餘人坐已各問今日何處齋或言豫
章成都嶺南薊北五天竺動千萬里最後一
僧至衆問何遲答曰相州彼岸寺蓋禪師講
會各各堅義有一小僧難問蜂起殊爲可觀
不覺日暮寶起曰鑒禪師是我和上諸僧直
視寶頃之遽失其寺乃獨坐柞木上柞音作

出山間大統法上上曰此寺佛圖澄所造賢
聖居之或隱或見至今山行猶聞鐘聲
二年詔稠禪師至鄴都建雲門寺以居之師
宴坐一室未嘗送迎帝至弟子勸之師曰省
頭廬迎王七步致王失國吾德雖不逮儀相
似之所以不敢自欺冀致福於帝耳帝惑左
右以師慢已欲躬加害師旦出寺二十里拱
立道旁帝怪問之師曰恐血汗伽藍耳帝即
悔謝謂僕射楊遵彥曰如此真人何可謗邪
遂同輩還宮問曰弟子前身何人師曰曾作
羅刹王今猶好殺祝盆水使視之見群羅刹
在後帝大敬信請受菩薩戒永不食肉盡停

五坊鷹犬傷生之具及境內屠殺。詔置昭
玄上統以沙門法上爲大統令史真置五十
餘人所部僧尼四百餘萬回萬餘寺咸稟風
教帝築壇具禮尊爲國師布髮于地令上統
踐之升座后妃重臣皆受菩薩戒。帝在晉
陽使人乘一駝敕曰可向寺取經函使問所
在帝曰任駝出城及出奄然如夢至山腹有
寺群沙彌見之曰高洋駝來便引見老僧僧
問高洋作天子何如使曰聖明僧曰汝來何
爲使曰令取經函僧曰洋在寺嬾讀經令於
北行取之使者反命
六年初道士陸脩靜以梁武棄老子教遂本

入魏登文宣事佛靜等忌之詣闕自陳請遣
釋子角法帝許之靜以呪術令僧衣鉢皆飛
宮殿梁柱皆震帝顧謂大統法上曰佛門豈
無人哉上統舉曇顯顯時被酒出曰汝曹間者
敢以小術自肆即以稠禪師衣置地道流并
力不能動顯自取置梁間使呪梁柱亦不動
顯曰釋自標爲內教內即小也顯曰天子居
九重之內亦應小於百官乎靜氣咽無對群
臣皆怵躍帝乃下詔令道士自謂得神仙者
可上三爵臺飛騰遠舉其不能者宜詣昭玄
上統剃度有不從者殺四人遂下詔曰祭酒
道者世中假妄麤蕞是味清虛焉在瞿瞞斯

永樂北藏

佛祖統紀

第二〇〇冊

甘憇悲永隔上異仁祠下乖祭典宜皆禁絕
不復遵事於是齊境皆無道士

述曰修靜生於晉末與遠公遊屣解於宋
之泰始則說簡寂自泰始至梁天監已四
十年不應今日復有脩靜蓋曰因梁棄道
自梁奔魏當云陸脩靜之門徒斯為可信

也矣

卷

梁

梁荊州居士陸法和以元帝為魏所破還歸
於齊帝以為太尉賜甲第和乞為佛寺其徒
七百人悉脩禪法一朝禮佛坐牀上而終將
歛縮身止三尺歛畢帝更令開視唯一空棺
嘗題壁云十年天子猶尚可位文宣在百日天

子急如火廢帝在位百日周年天子遁代坐寺胎在下及

年人懼塗削之終不能滅

七年帝以內藏梵經千夾命三藏那連邪舍
於天平寺翻譯敕大統法上沙門都法順監
譯帝躬禮梵文謂群臣曰此三寶之鴻基禮
宜偏敬偏猶事也。沙門尊稱居士萬天懿優婆

塞智希並於鄴城譯經

十年帝幸遼陽甘露寺禪居深觀敕非軍國
入事不得聞

述曰世謂文宣殘忍果於刑戮至欲比之
桀紂然觀其譯經修禪受戒禁殺尊禮國
師嚴然道教其敬佛為甚至蓋由前身為

聖寺沙彌以智碩力出現世間居人王位
行佛法事而初年好殺特其殘習之所爲
耳非如桀紂不遇佛法行殺無悔者之比
也

武成卷九



河清二年詔慧藏法師於太極殿講華嚴經

晉書卷六十

孫敬德先造觀音像後有罪當死

受沙門教誦經可免既覺誦滿千遍臨刑刀

二折主者以聞詔赦之還家見像項上有三

刀痕此經遂行目爲高王觀世音經

述曰此經止十句即宋朝王玄謨夢中所
授之文今市肆刊行孫敬德所誦者是後

人妄相增益其文猥雜遂使識者疑其非
真又本朝嘉祐中龍學梅摯妻失明使誦
于上並一夕夢白衣人教誦十句觀音經
遂誦之不輟雙目復明清獻趙公刊行其
事大士以茲至簡經法救入於危厄之中
古今可紀者三驗矣不可信乎

後主碑武成

武平六年沙門寶暹十人往西天求經還得

梵本二百六十部

隆化元年詔修鄴都白馬寺佛圖澄所造塔
得舍利三盛以寶瓶廣武王邕置水晶鉢行
道祈請舍利忽浮水面右轉七匝

永樂北藏

佛祖統紀

第二〇〇冊

北周安都長

閔帝字文覺太祖弟

元年即西魏大統二十詔僧實禪師為周國

三藏。詔以舍利藏蒲州常念寺大放光明

目瓶而出乃建浮圖以表祥異。帝佩於檀

山遙指山上問群臣有所見乎掌書記盧光

洪

獨曰見一沙門帝曰是矣即解圍而還乃今

光於見處造浮圖掘基一文得錫杖瓦鉢

武帝邕太子

保定三年詔曰歲在昭陽春五龍集天井

者蒼龍為歲也當今所司奉造一切經藏

始乎生滅之教訖於泥洹之說

天和四年沙門藏稱於長安譯經沙門至德
譯法華經普門重頌偈。詔名儒僧道申述
三教沙門道安作二教論以儒道九流為外
教釋氏為內教帝信道士張賓衛元嵩之譖
以識緯黑衣當王心忌釋氏張賓說帝曰庚
虞無佛圖而國安齊梁有寺舍而祚短但利
民益國即稱佛心夫佛以大慈為本終不苦
役黎民虔恭泥木請造平延大寺容著四海
蒼生不立曲見伽藍徧安大乘五典以平延
者無間道俗罔擇怨親以城隍為塔寺即皇
帝是如來用郭邑作僧坊和夫妻為聖衆推
令德作三綱尊耆年為上座選仁智充知事

求勇略作法師是以六合無怨紂之心八方有歌周之詠

四年二月集百僚僧道於文德殿討論釋老同異

建德元年正月帝幸玄都觀自升座講說公卿僧道互為難問。時長安有李練者神異不測每夜於街上大哭釋迦牟尼佛如此屢月後二年果有廢釋之事

二年二月集百僚僧道論三教先後以儒為先道次之釋居後。詔群臣沙門道士於內殿博議三教法猛法師立論理勝司諫大夫甄鸞上笑道論凡三十六篇用笑道家三十

永樂北藏

佛祖統紀

六部以釋教有十二部今三倍勝之弘明○

帝集僧道宣旨曰六經儒教於世為宜真佛無像空崇塔廟愚人信順徒竭珍財凡是經像宜從除毀父母恩重沙門不敬斯為悖逆之甚國法宜容並令反俗用崇孝養時慧遠法師出眾抗荅曰若以形像無情事之無福池八

國家七廟豈是有情帝曰佛經外國之法故十四當廢之七廟上世所立朕亦不以為然將同廢之矣師曰若以外國之法非此所用仲尼所說出自魯國秦晉之地亦應不行七廟若廢則五經無用三教同廢何以治國帝曰魯與秦晉封域雖殊莫非一王之化師曰若秦

魯同一王化震旦天竺同在閭浮輪王一化何不同遵帝與師往復數至十二帝不能屈三年五月帝欲偏廢釋教令道士張賓飾詔辭以挫釋子法師知玄抗酬精壯帝意賓不能制即震天威以垂難辭左右此玄聽制玄安庠應對陳義甚高陪位大臣莫不欽難獨帝不說明日下詔并罷釋道二教悉毀經像沙門道士並令還俗時國境僧道及眼者二百餘萬。六月詔釋道有名德者別立通道觀置學士百二十員著衣冠笏履以彥琚等爲學士沙門道安有宿望欲官之安以死拒號慟不食而終前曾作二教論。法師靜謁聞詔下詣

開奉表求見帝引對極陳毀教報應之事帝改容謝遣之遂遁入終南山號泣七日坐盤石引刀自脩其肉掛腸胃于松枝捧心而卒白乳旁流凝於石上聞者莫不流涕

述曰佛道本常有時而阨者世人之業感耳以故大小三災業感之大三武滅僧業

梁

十五

感之小然每當滅則必有聖賢者出魏武有雲始周武有知玄道安靜謁皆爲法忘身求復大教而謁之條肉捧心世或謂其徒自苦辛殊不知縱無益於當朝猶足以感動世人俾知爲法之切有若此者武帝廢之宣帝復之曾不數年其道復振時知

非謫師誠感之應乎

六年伐齊滅之并毀齊境佛教經像時僧尼反服者二百餘萬

宣政元年六月帝感癘疾身瘡大發遂殂

引傳

宣帝 試武

德

聖

大成元年先是沙門道林以學業進見與武帝議論二十日酬酢七十番帝不能屈遂許以復敎會帝殂至是道林申請尤力上許之遂下詔曰先帝感於異論以釋道為無益故廢而不行然大敎所繫詎宜罷黜今簡者舊有道者二百二十人勿翦毀毀形於東西二

永樂北藏

佛祖統紀

京陝岵寺為國行道乃敕智藏等長髮為菩薩僧充寺主華冠瓔珞作菩薩大士相。詔曰三寶尊重特宜修敬其令舊沙門有德行者於政成殿西安居行道。追封孔子為擲

國公

靜帝 衍宣

聖

德

大定元年詔天下并復釋道二敎復立佛天尊像丞相楊堅與陟岵寺智藏靈幹等再落髮度僧二百二十人

佛祖統紀卷第三十八

十

史

第二〇〇冊

永樂北藏

佛祖統紀

第二〇〇冊